



ТӨВ АЙМАГ  
ЗАСАГ ДАРГЫН ЗАХИРАМЖ

2022 оны 09 сарын 20 өдөр

Дугаар А/531.

Зуунмод

2022 оны хоёрдугаар ээлжийн  
цэрэг халах, татах ажлыг зохион  
явуулах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 60 дугаар зүйлийн 60.1.5, 66 дугаар зүйлийн 66.1, Төсвийн тухай хуулийн 14 дүгээр зүйлийн 14.2.5, 65 дугаар зүйлийн 65.1.1, Монгол Улсын Батлан хамгаалах тухай хуулийн 17 дугаар зүйлийн 17.1.1, 17.1.4 дэх заалт, Цэргийн албаны тухай хуулийн 13 дугаар зүйлийн 13.6, Засгийн газрын 2022 оны мн/250 дугаар тогтоол, Зэвсэгт хүчний Жанжин штабын даргын 2022 оны 09 дүгээр сарын 01-ний өдрийн н/220 дугаар тушаалыг тус тус үндэслэн ЗАХИРАМЖЛАХ нь:

1.Аймгийн 2022 оны хоёрдугаар ээлжийн цэрэг татлагаар эрүүл мэндийн үзлэг явуулах эмч нарын бүрэлдэхүүнийг томилж 09 дүгээр сарын 29-ний өдрөөс 10 дугаар сарын 11-ний өдрүүдэд 18 суманд, 10 дугаар сарын 17, 18-нд Аймгийн төвд Биеийн тамир спортын газар нэгдсэн цэрэг татлагыг зохион байгуулж явуулсугай.

2.Цэрэг татлагын товчооны бүрэлдэхүүнийг нэгдүгээр, цэрэг татлага явуулах хуваарийг хоёрдугаар, ажлын төлөвлөгөөг гуравдугаар, цэрэг татлагын ажилд шаардагдах зардлыг дөрөвдүгээр хавсралтаар тус тус баталсугай.

3.Хугацаат цэргийн албанд шинээр татагдагч болон гэрээт цэргийн албанд элсэгчидтэй эрүүл мэндийн үзлэгийг чанартай явуулж, эрүүл мэнд, бие бялдрын хөгжил сайтай, ял шийтгэл гэмт хэрэгт холбогдож байгаагүй, ёс суртахууны зөв төлөвшилтэй иргэдийг сонгон осол зөрчилгүй тогтоосон цаг хугацаанд хяналтын тоог бүрэн биелүүлэн ажиллахыг аймгийн Засаг даргын Тамгын газрын дарга, Цэрэг татлагын товчооны дарга (М.Отгонбат), Цэргийн штаб (дэд хурандаа Т.Төмөрчөдөр)-д тус тус үүрэг болгосугай.

4.Цэрэг татлагын товчоонд ДААЛГАХ нь:

а/.Цэрэг татлагын товчооны гишүүд, ажиллагсдын ажил үүргийн хуваарийг тогтоон, цэрэг татлагын ажилтай холбоотой хууль, эрх зүйн баримт, тухайн ажлыг гүйцэтгэх зааварчилгаа өгч, бусад зохион байгуулалтын арга хэмжээ авч ажиллах

б/.Цэргийн жинхэнэ албаны татлагын ажлыг сайтар зохион байгуулж Монгол Улсын Засгийн газрын 2019 оны 441 дүгээр тогтоолыг баримтлан иргэдийг цэргийн жинхэнэ албанд тэнцүүлэн татаж Зэвсэгт хүчний Жанжин штабаас өгсөн тоон даалгаврыг биелүүлэх

в/.Монгол Улсын Цэргийн албаны тухай хуулийн 8 дугаар зүйл, 13 дугаар зүйлд заасныг хэрэгжүүлж цэрэг халалт татлагын явцад байнгын хяналт тавьж, цэрэг татлагын товчооны үйл ажиллагаатай холбогдуулан иргэдээс гаргасан санал, хүсэлт, өргөдөл гомдлыг хуулийн дагуу шийдвэрлэх.

г/.Аймгийн цэрэг татлагын товчоо, эмч, нарын комисс сумдад ажиллахдаа төлөвлөгөө, маршрут гарган ажиллах

5.Монгол Улсын Засгийн газрын 441 дүгээр тогтоолын 2.2.1, эрүүл мэндийн даатгалын тухай хуулийн 9.1.2-т заасны дагуу 8 төрлийн шинжилгээ оношилгоог цэргийн насны залуучуудаас үнэ төлбөргүй авах ажлыг шуурхай зохион байгуулж ажиллахыг аймгийн Нэгдсэн эмнэлгийн дарга /С.Энхтайван/, Нийгмийн даатгалын хэлтсийн дарга /Ж.Эрдэнэжаргал/-д тус тус үүрэг болгосугай.

6.Цэргийн насны залуучуудад цэрэг татлага эхлэхээс өмнө сүрьеэгийн сорил тавих, суурь өвчтэй иргэнийг цэргийн албанд татахгүй байх, сүрьеэгийн ойрын хавьталтай цэргийн насны залуучуудын судалгаа гаргах ажлыг зохион байгуулахыг Эрүүл мэндийн газар (С.Мөнхтуяа)-д даалгасугай

7.Гэмт хэргийн холбогдлоор хуулийн байгууллагад шалгагдаж байгаа залуучуудыг цэргийн албанд татахгүй байх талаар мэдэгдэж сахилга зохион байгуулалтад хяналт тавьж, цэрэг татлагын товчооны үйл ажиллагаанд дэмжлэг үзүүлэхийг хэсгийн төлөөлөгч, цагдаа нарт үүрэг өгч хамгаалалтыг тогтоосон журмын дагуу чанд сахиж хамтран ажиллахыг аймгийн Цагдаагийн газрын дарга /дэд хурандаа Ч.Алтанхуяг/-д үүрэг болгосугай.

8.Цэргийн жинхэнэ албаны татлагаар зарлан мэдэгдэл авсан иргэн тогтоосон өдөр, цагт цэрэг татлагын байр, товлосон газарт хүндэтгэн үзэх шалтгаангүйгээр ирээгүй бол Монгол Улсын цэргийн албаны тухай хуулийн 36 дугаар зүйлийн 36.2, Зөрчлийн тухай хуулийн 15 дугаар зүйлийн 15.17 дугаар зүйлд заасны дагуу арга хэмжээ авч ажиллахыг Цэргийн штабын дарга /дэд хурандаа Т.Төмөрчөдөр/-т даалгасугай.

9.Цэргийн насны /18-25/ насны залуучуудад зарлан дуудах хуудсыг цаг хугацаанд олгож цэрэг татлага явуулах байрыг урьдчилан бэлтгэж ариутгал халдваргүйжүүлэлтийн арга хэмжээг авч бэлэн байдлыг хангаж ажиллахыг сумын Засаг дарга нарт даалгасугай.

10.Хугацаат цэргийн албанд татагдсан иргэдийг тээвэрлэх арга хэмжээ зохион байгуулахдаа тээвэрлэлтийн аюулгүй байдлын дүрэм, журмыг чанд мөрдөж, автотехникийн бүрэн бүтэн байдлын хангаж ажиллахыг сумын Засаг даргын Тамгын газрын нарт дарга нарт үүрэг болгосугай.


11.Цэрэг татлагын зардалд шаардагдах 10,941,490 (арван сая есөн зуун дөчин нэгэн мянга дөрвөн зуун ер) төгрөгийн зардлыг Аймгийн 2022 оны төсвийн хуваарилагдаагүй зардлаас гаргахыг Санхүү, төрийн сангийн хэлтэс (Ю.Бямбацогт)-т, шилэн дансанд байршуулахыг ерөнхий нягтлан бодогч (Б.Одончимэг) нарт тус тус зөвшөөрсүгэй.

12.Захирамжийн хэрэгжилтэд хяналт тавьж ажиллахыг аймгийн Засаг даргын орлогч (Г.Сурмаа)-д үүрэг болгосугай.

ЗАСАГ ДАРГА  Д.МӨНХБААТАР



Аймгийн Засаг даргын 2022 оны  
 09 дугаар сарын 20 -ны өдрийн  
 А/531 дугаар захирамжийн 4 дугаар хавсралт



2022 ОНЫ II ЭЭЛЖИЙН ЦЭРЭГ ТАТАЛТ/ ХАЛАЛТ/-ЫН  
 АРГА ХЭМЖЭЭНИЙ ТӨСӨВ

Үе шат	2022 оны хоёрдугаар ээлжийн төсвийн зардал /төгрөг/				
	Томилолт	Шатахуун	Байр хоол	Бусад зардал	Бүгд
Сумдад болон аймгийн дамжинд ажиллах	15 хүн суманд 13 хоног ажиллана.  15x13x 24000= 4,680,000 төг	18 суманд нийт 1655 км явна. А. /уаз-452/ 1ш 1655 км 0.18=298л x 2440=727120  Б. /starex/ 1 x 1655 км 0.18=332л x 3890= 1,291480  В.Цэрэг тээвэрлэх  Г. автобус шатахуун Зуунмод сумаас ЗХ-ний 013 дугаар анги 100 км x 0.45=40,5л x3890 =157,540	А.Цэрэг татлагын товчооны 60 хүн 2 өдөр хооллоно. Өдөр 1 хүн 12,000 x 60 хүн 1,440,000  Б.Цэрэг татлагын товчооны 70 хүний оройн хоол 1 x 12,000 =840,000  В.Нэгдсэн татлага явуулах байр дулааны зардал 150,000	2.Батлан хамгаалах сурталчилгааны тараах материал /сумдад/ 2,000ш x 650 = 1,300,000 3.Аннос 85,000 төг 4.Бичгийн цаас 2 боодол x 17500=35,000	
Дүн	4,680,000	2,411,490	2,430,000	1,420,000	10,941,490

ТӨЛӨВЛӨСӨН:  
 АЙМГИЙН ЗДТГ-ЫН ДАРГА  
 БӨГӨӨД ЦЭРЭГ ТАТЛАГЫН ТОВЧООНЫ  
 ДАРГА М.ОТГОНБАТ

ЗДТГ-ЫН ЦЭРГИЙН ШТАБЫН ДАРГА  
 ДЭД ХУРАНДАА Т.ТӨМӨРЧӨДӨР

ХЯНАСАН:  
 ТӨРИЙН САНГИЙН АХЛАХ  
 МЭРГЭЖИЛТЭН Ч.ЦЭЦЭГСҮРЭН

